

芥素堂文集

第二函  
五册

養素堂文集卷二十七

老威張 澍介侯

墓表

誥贈奉直大夫晉贈中憲大夫王西園先生墓表

嗚呼此吾西園先生之佳城也先生以碩學穆行陞於邇未克章達以襮其才卒育良嗣爲國宣勞榮膺

褒贈含笑黃墟傳所謂有德者必有報其信然乎先生諱繼謨字丕文又字西園昆季二人序爲伯繼世父敬宗公嗣世父母卽世早不及養所恪奉者本生父母也性至孝侍膝下先意察色盡力樂心夔夔孜孜二老欣然與弟允

若友愛翁和無間其被分甘怡怡如也顧嗜讀書焚膏映  
雪學精不勸嘗詣郡豐登書院從周蓮谿學雅重之謂曰  
子文有根柢氣體寬博大器也入庠後益攻苦凡經史諸  
子百家之書皆手鈔之提要鉤元畧不少輟四方知名士  
咸樂與敷衽嘗以歲時抵舍縱譚今古人文酒酣耳熱賤  
詩言志輒數曰不去而韓城王惺園相國寧州王檢齋司  
寇尤以文章相知好名在伯仲閒二公既顯貴先生獨艱  
於遇庚辰秋闈業中額以微疵見遺壬午薦不售癸酉選  
拔貢乙酉復薦仍擯落自此侍養高堂不復遠出館鄰邨  
呂氏宅生徒曰進復時時溫尋舊業丙戌遭父喪哀毀幾

損性飾終之礼慎密周詳明季戊子先生以降服服闋勉  
赴秋賸猶冀獲雋以慰親心詎喪父之後繼丁母憂痛鉅  
創深而成劇疾遂以不起厥配党恭人生子二長夢蘭次  
楠方孩提而党恭人歿續娶張太恭人大荔名族也幼端  
淑通曉大義年十七于歸相夫以敬事尊章恭順治家勤  
儉撫前子如已出越七季而庭葍生又數季而先生捐館  
太恭人顧嬛嬛環侍義不可以從殉也乃躬自刻苦勸其  
子以力學修脯膏火之需屢脫簪珥以給之叔氏不善持  
籌售良田過半有勸以分析可少畱先人遺業者太恭人  
达謂諸子曰我家十餘季來一門和睦築室無嫌姪子女

皆我所平日撫視者一旦各舉情實不忍且非汝父心苦則同苦耳汝等果能奮志讀書出人頭地則我願足矣厥後庭華舉甲寅鄉試己未成進士分隸兵部觀政恭逢

慶典

誥贈先生爲奉直大夫恭人爲太宜人旋太恭人就養京師督理家政端緒艷如以楠歿遂返里勤劬瓌務如曩時癸亥甲子歲連歉邨人多鬻妻子以謀旦夕者太恭人輒給與升斗俾仍完聚丙寅以後大飢斗米千餘錢有司設粥廠救荒爰諭紳民有力者隨地施粥太恭人數以銀米付邨東粥廠全活無算大吏旌其門庭華補職方司主事

太恭人以書戒之曰爲官須勤慎供職不可躁進有失士  
君子品又曰官想不貧便非好官薦紳大夫聞者咸嘆息  
以爲知大體旣而庭華游升員外郎中遷御史授江西建  
昌府知府循聲遐播豈非勸教之驗乎乃遽於嘉慶九月  
卒祔葬西園先生之塋嗟夫士君子舍和蘊璞宜騰驤于  
時出所學以理物乃竟蹇偃不偶賫志以終詎不賴有賢  
子孫哉先生雖沈淪而庭華能象賢以顯揚此天之所以  
報潛德也余故揭其椽概以表之于阡

馳贈朝議大夫允若王君墓表

王君諱某字允若現任直隸保定府知府庭華之叔父也

賤性恂謹幼從其兄西園先生學循循規矩奉若嚴師繼  
從豐登書院山長蓮谿周先生受業先生器重之曰爾與  
兄聯璧也拾青紫何難當是時厥考翁奉邁食指浩繁歲  
入不敷君慨然曰讀聖賢書所學何事今父劬錄子乃窳  
逸情何以堪於是屏當璣銳以計研術跋涉吳越獲有贏  
餘以奉甘旨而西園先生亦得以專壹於學書曰遠服賈  
用孝養厥父母厥父母慶君之謂也既而父母先後謝世  
君哀毀柴土自舍殮至紼謳竭情盡礼論者韙之其事兄  
也因心篤慶孔懷急難不啻如事父焉何西園先生歿  
遺孤弱小君鞠育恩勤同於所生時誠之曰余家自先世

以耕讀爲業列黌序者代不乏人汝父雖以選貢終而有聞於時今家道淪替余自肩承汝等其益孟晉於學無以家事縈慮以故子姪皆敲厲矜惰分陰夢蘭入庠有聲庭塾捷南宮皆君督責所致也在笱瀨世盧毓二兄喪亾養育孤子以學行稱魏之山偉兄亾撫寡訓孤恩義甚篤不私產業君之制行庶幾似之且性好施與遇里鄙貧困不恡罄囊之欣嘗曰吾先世如此安可及余身而廢之其篤厚也如此君既卒歲在丁丑庭塾蒙

恩簡放江西建昌府知府恭逢

萬壽覃恩乃呈請



賜贈君朝議大夫妻李氏賜贈恭人所以報君教養者至矣而庭藝猶時時念之若歉於懷者余以爲君之行誼是可表也遂摭實書之以爲世勸

勅封文林郎晉封奉政大夫隆德縣儒學訓導謝君

暨

誥贈宜人陳太君墓表

代王春浦尙書

君諱鏊字文三別字雲峯涼州府鎮番縣人謝姓始祖天眷由歲貢任寧夏府學訓導二世祖奇學由文生中式前明丙子科崋舉任山西大同府守備有名魁者舉順治庚子科崋鄉試任湖廣長沙府千總所在箸崋績君之高祖也曾祖黃中庠生祖元亨其本生父宗孔字子希亦庠生

以孫貴

馳贈奉政大夫母李宜人

馳贈太宜人生子三伯鋈季鋌皆庠生君其中也君幼繼叔父維祺公善事之不異所生友于兄弟推財讓產宗鄔稱焉君邃學術蒞事有才幹他人視爲盤錯者君批窾導邈如庖丁解牛中桑林之舞而性愛弘獎以扶植後進爲懷隨材提飾感受裁成不問束脯皆令坐春風而大雪其大教有脊雖蘇湖條規無以過也尤重行誼以佻達爲戒嘗舉朱子小學諸則爲之訓迪是以從遊者化喬僊而歸彬彬雅爲文博大昌明掃浮廊嵬瓊之習一時掇巍科皆素

承其指授者邑舊有蘇山書院旋興旋廢君謀諸邑令偕同志捐貲廣設義田供師生膏火費遇有寒畯輒推解資助俾竟其業成就者甚眾

高宗純皇帝辛卯季予奉

命主陝西鄉試君之冢子葆霽獲售揭曉來謁因得悉其家世及君之行誼丁未季葆霽蒙

恩旨挑發山東以知縣用歷署劇縣有名跡後補安丘令凡所以厲士撫民者一本諸庭訓大府以爲能舉治行弟一時君迎養官署猶頻頻誠勉恐拂百姓有孤

朝廷恩歲庚戌恭逢

萬壽匱恩 勅封文林郎晉封奉政大夫配陳氏贈孺人  
晉贈宜人適值縣弧之辰邑士大夫暨庶民咸稱觥爲遐  
耆祝君則慊慊如不勝蓋秉謙服礼其天性也越二載西  
歸家居頤性接物以和不激不隨解紛排難鄰甯賴之平  
雖耄猶日手一編以自娛時與名流相接酒酣耳熱抵掌  
論文上下古今縱橫博辯洪河壯浪一瀉千里四座爲傾  
君則掀髯徐理疑竇白馬碧雞飛詞如雲其豪上如此當  
君選廣文時戚友咸勸駕君則曰吾豈以苜蓿盤易吾志  
乎而何人之不可策斂乎因謝去不出督課子弟昕夕靡  
暇管人楹書教子櫛研貽孫君之以遺經傳後庶幾似之

戊午歲長孫集成舉順天鄉試歸省族友趨賀

紫綽在堂君精神矍鑠持罍喜溢絲竹要眇賓朋動色咸以爲積善之報云嘉慶五年正月二十三日以微疾易簣距生於康熙五十六年正月二十六日享年八十有四配宜人名家子嫻內政順於尊章惠於宗族其事詳載別紀以合葬故得並書有子三人長卽葆壽任山東青州府安丘縣知縣次葆訓增廣生次葆春庠生孫十人葆壽出者二集成中順天戊午科舉人集梧優廩生葆訓出者四集慶集灝皆增廣生集祉集美業儒葆春出者四集祐集統集鷺集璋均業儒曾孫五俱幼所謂能世其家者因爲表

之而并書其名於石系之以辭曰嗚呼此白亭謝仲之墓  
而以德配祔

誥封叅德騎尉茂萼李君墓表

君諱芍字茂萼陝西鳳翔府岐山縣人李姓祖賓有隱德  
不仕父文徵業農以長者稱于鄉里君幼而岐嶷不好弄  
讀書穎悟有慧心時出一解爲宿儒之所未及塾師甚器  
之洎童子試屢躋顧爲文益奇卒艱于一遇乃棄去嘆曰  
經明行修博上第服官食祿天庾以遂顯揚學人之志也  
卽不能從事南畝塗足沾體雖則劬勞常依膝下奉薦滫  
瀡古之人有行之者吾何必爲腐儒乎遂服耜課晴雨不

辭夏畦之病時市甘鮮以頤二人親族稱焉嘉慶八年以子貴

勅封爲茂德騎尉戚黨赴賀咸以爲茂德之所致君則嗛然顧萬季曰吾家世寒微今得蒙

朝廷恩汝其祗敬厥職無負

國以爲鄉閭羞以故萬季服官謹操守不妄取尤矜恤士卒戎行多謳歌之所交多知名士蓋皆稟君之訓也君有弟二仲曰秀梅次曰煥梅君愛之甚飲滄與俱不忍須搖離雖姜肱共被不昷逾也于十二年四月二十四日以微疾易簀距生于乾隆四年六月二十三日享年六十有八

娶梁氏無子次娶張氏再娶王氏皆先君卒張氏生子一  
即萬年現任督標前營守備王氏生子二萬枝萬盈系以  
辭曰

惟君德函不以揚知君後嗣必保大以昌予謹書其文于  
墓石之陽曰時李君之藏

誄

馬素軒文彬貢士誄

有序

夫豪曹彗汜經折而益曜霜苾徽尾流膏遭碎而猶騰虹  
氣何者萬辟千灌萼藻自繁五穀十區理孚兼勝矧乃性  
情準諸律秣弗尙摸蘇臬睥得其柁繩未嘗踰萬而復聚



沙鬯教縈帶草於不其仰屋箸書集雀鰓於講舍一旦塵  
霾蝨簡洞掩謨觴響豳蝸徽魂歸梁甫能不鬱懷填肌躑  
躅青鳥之墳悲緒盈袵裴裒丹旆之路哉繫惟素軒先生  
吾里之宿儒也志尙通亮操履約清秉德而不嫌仁舍龢  
又以疇信采蘭鄂棣艷艷於庭闈斂衽整巾翼翼於感爻  
經廟狗曲化粉澤與橘櫨文造鳳樓姍疥蟆與封橐可不  
謂龍城之圭臬鹿塞之范甄乎胡天不惠斯人呂終醫失  
秦和星降張軫關屯虎豹瘳巨龍蛇春秋五十又五卒於  
嘉慶庚午歲乙酉月戊子日嗚呼古而無死曠節誰匿今  
也則亾翼神欲表白眉宛宛黃腸沈沈草腐螢飛松摧鶴

去雌鸞獨影雄劍停吟詎不哀哉爲此譟文爰薦冥漠其  
辭曰

雲泥歟滅舟壑潛移茫茫昊緯億不能知展禽歆算黔婁  
錫棋上下求索杳覩頌儀追仰芳規西國之紀汝郁承歡  
符表汰恃苦性驅靈精心禋祀教子選楹誠姪畫虎祁彼  
學侶罔不逢材叩鐘鳴鼓雕宰鑄回沙穆蛾術檀敷鴻裁  
貽斯迷穀自遠方來嗚呼哀哉德未罄天身何實地葆真  
石農希怨墨智宜壽旗幢竟鍛羽翅憎無震靈不返仙轡  
谷水瀰瀰梯山峩峩秋聲咽樹暝色擁蘿蒿里露溢乎亭  
雲控詰人逝矣陽如之何

誥封一品擘太夫人哀誄

代芥航河帥

式觀女聖婦宗巫程舄奕母師媛憲作鏡坤儀豈不以姁  
媮修容煒昭彤管珩璜矩度榮膺紫泥爲足鍾郝比肩崔  
盧接踵哉自俗習凜醜競尙斧藻纔銘椒花便詆團扇方  
吟柳絮卽笑荷塘謂識有限未可稱才卽蘇蕙織圖宛轉  
千句韓蘭獻賸賞遇九重雖富辭章未貫經術若宣文授  
學音究周官大家入宮篇續漢史典訓能通治源則昧彼  
元曄蒞政督厲潔清善果讞刑鴨懌平允吏道克嫻心學  
莫喻夫介綏繇上偕隱岌光索氏巴中安貧樂道雅操雖  
高罕聞著述馬氏正方起居作注孫瓊淹雅裁書盈箱載

筆頗多權變何少臧孫拘木書釋同魚江乙禡官喻設盜  
布亦饒智計勤儉何居歎主猶績防乃逸淫稷子反金恥  
其貪冒雖席貴隆尙崇廉化乃知一端自稚未許引通全  
德斯臻允爲美善矣猗惟擘太夫人者河南知府某公之  
柘室南河總督某君之萱堂也裒裒清英緒理秀建兼才  
伯智游菽多能錦雞之什則管媿之育魚也蘭閨之錄則  
班昭之炯誠也護書之圖則伏女之授經也正始之集則  
左芬之麗編也鶴背之方則鮑姑之蓄艾也匱書之篋則  
召南之殷雷也至于示守穎治河之訓無異敬姜之論桐  
綜棗中孚遜菴之書何殊智瓊之擘爰象豈非宅衷聖善

析理昭融陰教修明內則純備者乎宜其有子雄駿爲國  
鼎臣

楓陛褒嘉黎儀景坳與何期姥峯摧嶸星實暉瑤圃禾  
枯暢亭鈔宗不櫛進士筆研塵封義成夫人印綬采鸞鳴  
乎哀哉爰攄誄文以志驥仰其辭曰

楚芋精苗毗陵茂族降靈香島歸字粲屋孝事尊章慈憐  
婢僕相夫匪躬教子式穀奉已則約施人斯博道路砥如  
橋梁屹若忠廟閭閻仁祠廣廓錫力竭誠非邀福澤逢天  
之厲伯彊游行長桑訪術貸季求生太陽六戊軒光八成  
羣慝簫勺斗極光明又工餘事詩情畫意蓉湖薇省風月

清媚桃園魚佩兒孫娛萃寫以寓懷緹襲在笥鶉火光物  
喬雲蔭人宜壽旗翼若木恒春算錫句芒祥來師親惟能  
回信孰曰廉仁等存連襪緜姑妣輪天胡不惠殲我賢母  
宛荆誰衣黔敖誰糗疇啟心蓬疇割肘桺徒跽巫陽徒傷  
夜厚士也八能臣兮九德如此神謫何嫌巾幗宋學理譚  
漢儒經則性定大湫慧參淨域葛藟之情松栢之心竟不  
百季孰嗣綴音紅蓮返夢白鶴棲林名騰汗簡德播瑤琴  
嗚乎哀哉

楊母原太宜人誄

有序

維道光四年八月二十七日楊母原太宜人卒于京邸春

秋八十有一工部主事維楨之賢母也嗚乎哀哉天姥峯  
摧樹蕭蕭而霞葉皇媧石裂月黯黯而淪輝望碧海以無  
歸煎香乏術登青廬而皋復屬纊何時小別鄉園隴雲飛  
而不落暫游京國孤鶴去而不還千里渭流波咽秦關之  
渡三秋嶽色霜凋玉女之蓮此所以腸斷王修鄰人于焉  
罷社形銷吳隱韓母且爲動容也緊觀柔嘉維則淑慎其  
儀譽滿盤匱躬采桑柳聲高瓊瑤手擷蘋蘩折枝滌牖遵  
施衿結帨之戒汝益饋食稟鼓詩習礼之風而乃鴻案能  
莊鹿車代輓弋鳧與雁循昧旦之儀荆釵布裙慕少君之  
志兼以課兒紹業遷里擇師中夜丸熊礎響與書聲相和

連朝晝炊煙共墨瀋偕飛用能浴出鳳毛翔翼  
稜之闕養成龍角濯鱗太液之池且也碧浪無私  
掬渴鮒于涸轍黃花不恠飼墮鳥于窮途分如雪  
之機絲東部生有暝色捐纜春之困粟北舍婦無  
苧容方期福與德適壽隨名永奏幔亭之笙鼓百  
歲爲期餌鮑井之丹砂三春可報奈何璇源告竭  
玉鏡長霾堂北彫萱榭南罷織虛聽鳳曲凝瑤席  
之香塵空薦藤枝畱筠奩之舊器可爲噉結用佻  
言爲之誄曰  
寒泉寂響大壑移舟風寒樹折日莫人愁糝臺永  
隔冥菽長休嗚乎哀哉朝露薤晞浮雲宵散洛靈  
既沈寶婺不滿



金母窗扉麻姑池館嗚呼哀哉音容髣髴手澤依稀馬誰  
劉薦線孰縫衣汝郁無恃符表何依嗚乎哀哉嶽山巢巢  
渾水瀰瀰白牛眠地青烏簪時周官罷講我有謠詞嗚乎  
哀哉

何仲昭承晉哀辭

嗟君幼秉此蘭石兮荒中道而摧傷鬱內美其未禩兮中  
夏忽實天嚴霜憶講辦于學圃兮焮掌不辭其勞苦遂蜚  
聲于鬢舍兮旋貢名于天府冀鶚厲于秋霄兮益函茹于  
今古謂余幸箸夫先鞭兮屢耑耑以咨謀既貽以秦蕩之  
卷表兮復諭以經術之源流爰追驂于賈鄭兮又尋路于

程朱理窟入而經神來兮象罔實得其乎珠何稟命之不  
融兮偕卜商以修文友朋盡其彫藝兮昆季悲咤其芝焚  
余與君有厚望兮焉能禁淚之霑袷死者不可復佗兮亦  
徒慨俱亾于人琴

善銘

潼關銘

并序

嘉慶上章涪灘之皋月余假滿將入都因溽暑息車寧山  
之麓三峯造天芙蓉削出遙眺潼關鬱律崩劣偉哉洵百  
二之屏藩也乃佗銘曰  
金天巨鎮百雉雄關潼流北激渭水西環南連太乙東壓

首陽黃河之水襟帶一方深谷無景坂滌黃卷墳涌女媧  
雙柳掣電嶠函以西此爲天險嬴氏引開諸侯不來爰劉  
季世韓馬喧歷延請精卒相亮制裁失此兵機蜀業以衰  
疇謂地利王公可弛勇夫重閉誰干國紀巖巖形勝金湯  
佗固匪親勿居惟德無敵 大清御寓四扇夸途樓蘭鄯  
善隸我版圖亶珍宛駿費我交閭云何能然  
帝澤三無效銘劍閣鐫石康衢

青牛樹銘

青牛樹在西嶽廟內相傳老子入關繫青牛之樹

秦松溼栢無此奇古紫氣常封不榮不腐老子青牛茲焉

駐蒼徐甲掣牽尹喜摩撫自入西戎誰敢縱斧三千餘季  
孤幹無主皮剝嚴霜枝摧苦雨未是倚驕定非新甫白鹿  
岡前孰與爲伍青芊肆上莫之或覩峙此嶽宮靈飛精聚  
真人重來花葉其吐

棧道銘

嘉慶歲在甲子余遑天瀆經歷棧道念其險爲攻取之所  
由也爰作銘曰

惟天有目惟地有肺天或可梯地亦可戴秦北蜀南坤維  
則斷崇崖刺天歷騎阻軌天實不通繫誰鑿空笮橋縣度  
魚鳧蠶叢潢池邇警梁渠舞景如虎負嵎嘯聚峻嶺

天聲遠震六師霆迅山殲盡殪鶻冠懷印安得噴歎焚林  
焯焯蕩無藏疾泉露土恢爰鳩哀鴻以脈以堡利埒金牛  
奚虞桀黜

龍關樓銘

屏山東門外五里有龍關依山佩江勢極雄壯愔久積敗  
余佗今日修之刻石爲銘

若水西徠繩波東注孫淹坳流駛奔焱怒天佗高山壁大  
江步拒浪截濤屹然佗固雄關岩巖拱峙麗譙俛窺銅瀨  
叩眺瑤杓鐘釁幾日瓦敗何朝煙塗粲折風路欒搖予宰  
馬湖壤接邪龍左擔五尺鑿憶唐蒙探九輯盜賣劍劭農

溪息堂琅戈偃冬逢鳩工厖石駿發廝栢面部開軒負巖  
樹碣極拂蜃雲阿畱蟾魄影懾楚魚翬飛夏翟蛻棲椽藻  
鸞響角鈴嶺壓蛟鱷壑撼雷霆眊萌窺領邛夔邊聽永鎮  
三絳空衷五丁劍閣峇峇玉津崔崔千里極目百尺雄才  
籌邊濡筆嘯月浮杯勒銘所砵萬古莓苔

羅喉山銘

山在銅梁縣東門外四里余署篆日新其軒鑱壁書此  
是畏佳者何桀特哉二酉隱處五丁移來巴嶽拱揖計都  
奔趨峯高日翳抵落雲扶窳折孱顏堪當良足凸路參坐  
曾崖几曲點黛巖青鋪霞獻赤風息招奢煙生齒屐育蟲

桃竹秀石楠花爭禽啅譟門蟻紛拏佛卧不醒仙醉無期  
靜如太古藹似新知自有宇宙誰壽金石得閒且游此地  
非僻繫我登臨遠望唵歎麥積銘鐫琇腦天笑

普照寺鐘銘

寺在蘭州府城東南隅創自唐貞觀閒即今大佛寺也鐘  
爲金泰和時所鑄重萬斤

貞觀古刹泰和洪鐘萬鈞欒重千歲塵封螭文在紐烏篆  
蟠胸鼓延意匠息氏鑪鎔騰光寶電銜火應龍窺來太乙  
伶此大鏞何季血釁幾代沿重霜辰韻亮月夜聲鴻蒲牢  
鯨擊拂澤雷掄巖城夢曉遠野心松金徒漏短雞人唱慵

焉逢仲夏御旅梵宮摩抄追蠡瞻拜佛容朝夕熟聽訇吹  
警聾發人深省破我愁悰鉢敲響逼枕穎音通雲坐九乳  
風送三峯重泉之磬周庭之庸鸞翔翼翼疊仵逢逢騫林  
闌寂震旦昭融銘文斯勒脂帝其宗

顏子陋巷銘

蓬蒿沒徑犬吠不停長者車稀蘭如郊坰塊獨處此心齋  
冥冥風吹瓢響日照簞塵賴有度轂過從情親何來風雨  
有女娉婷縮屋繼照柳下潔身朝歌在即曾莫之經所苦  
卓爾髮若積齡偶然夜浴如對明神師欲居吞與陋爲鄰  
况以不敏聊樂我貧賜室窺好宰寢畫新此焉栖遲四時



有春

蘭木刀銘

余宰蜀屏山以事赴成都有候補通守楊君渙湖南人來訪探懷出一刀橢長四寸厚七分寬六分以骨爲柄質似石芊肝色曰此木也可削銅鐵試之良然且曰君博物知是何木希爲銘之鑄其背余曰此逸周書王會篇所云西南夸出之蘭木也觀孔晁注可信乃爲銘曰

石之質木之名削銅鐵冢無聲管聞金克木今見木克金物理不可測吾將問林林

端研銘

帝鴻塵邈墨海龍飛我家壯芷青鐵相隨繫此紫雲崩  
所遺輸寥閒館如見淬妃綺文抱素玉質含暉因露圭  
角照口訾非自今以始守黑防微靜者必壽予亭掩扉

金星石研銘

金星石陰山璞割復磨光歷錄廿八宿羅胷腹

又

墨水果能有幾升慎毋點筆作飛蠅佐予鈔寫神仙傳活  
眼看佗夏佗水

又

勿矜尔善文十六經都焚守黑尋予牝五千言安云吁嗟

老壽者定屬陶泓君

梅花石研銘

繁栗岡之碧練而結綠之芳鄰  
羌廉貞其厚重吐香色以  
成文

龍研銘

噴墨成字蜚雲煥章  
點睛不飛入張粲囊

圭研銘

其形銳如終葵其質黝如蒙  
俱妃無畱辛道支王無怒徐  
予之我藏此作易旗風雷夜  
謹護持

青州石大圓研銘

尔何不爲斧以殪虐猶尔何不爲刀以截貪饕尔何不爲  
鼓以警聾牯乃爲此鈍然之硯烏知夫人情之可變

石磨墨墨噴字字成文文無害惟大雅卓不羣詎真宰揆  
鬼怪通風雲我知白能守黑爲誰焚

黃銅雀瓦研銘

高臺傾古瓦出琢磨之鐵石質不渴墨不斃筆宜寶藏羽  
陽匹

海天旭日研銘

繫墨海含之珠筆不斃焉可枯續日月天爲圖永珪藏作

神輸

端研銘

巖之石青紫色騰寒芒劇發墨以為田筆耕得郎官樣時  
在側作為文鬱典則儻風雷須藏匿墨不磨筆宜實藏

贊

倉頡贊

予履靈龜負書貢文因而制字雨粟紘紘百王取憲篆籀  
後分朶明四目鬼哭夜聞智詎日啟龍登予雲丙日禋祀  
或史或君

葛天贊

何幸爲民古風淳真不言自信鵬然如春聽彼八閩牛尾  
紛綸泰山之上鑄跡未泯興乃貨幣誰或患貧我今囊澀  
恨不逢君

祝融贊

登彼衡峯追尋遐蹤九頭圖出淳耀昭融以火施化參駕  
赤龍師乃廣壽其德在躬弇州之鳥鳴聲雝雝何由聽之  
耳目明聰

老子贊

天生猶龍爲道德宗柱下司史老有少容出關西去流沙  
寄蹤追隨徐甲青牛蒙茸箸經五千枕中又記震盪三川

知周之季尼山問札伸舌示意尹喜來尋在青莘市云何  
秦佚拊尸痛哭毋乃形解飛遯幽谷我徂瀨鄉九井波灑  
棄妹匪仁隱如貽穀

孟子贊

仇母善教蔚成大賢本仁祖義待後守先言稱堯舜治法  
井田時遭戰國民若倒懸不操尺柄反手徒然養素著書  
性善說堅荀卿老師言偽則偏我過鄒邑踰五百季如此  
名世不遇其天

李廣贊

何故將軍霸陵夜獵醉尉呵之理宜服帖竟斬軍中毋乃

仇挾以此不戾于數何涉大漠悲風飛沙擊葉一劍身亾  
萬照氣懾北平片石荒草重疊射法猶傳匈奴震讙

河閒獻王贊

惟王不帝濞治其衰賴太博士聖經不枝貫公春秋毛萇  
傳詩又得周礼治術以熙所獻雅樂帝皇棄之遂令後世  
鄭聲繁滋慨想功烈媿者伊誰三雍應對文約理持

何邵公贊

阮雲臺少保師總督兩廣日發學海堂策問俾諸生爲何  
邵公贊余今補爲之  
東瀛之季經籍道息內學滋興耶說充塞高密鄭公志爲



經翼囊括照典解煩祛惑君于此時公莘殫力義符胡母  
條例定則其學如海爲羣儒式微涉讖緯自生荆棘墨守  
之篇康成攻克要其所精于經有得後人操戈有類耳食  
巖樂以來此爲斗極

許叔重贊

不知文字訓詁何通不知訓詁經義難窮卓哉祭酒六書  
精工古文篆籀參稽折衷博商通人賈逵昆宗康成經裏  
晉灼史中咸采其說如日出東暴秦灰燼一旦昭融巖峻  
江式鑿擊追蹤我過召陵景仰遺風浚長雖眇于聖有功  
祀之廟廡誰曰非公

鄭康成贊

大道既東季長生忌眾典鴻苞誰堪執轡王肅何人有心  
違異聖證之論矯誣很伎豈知司農兼才伯智解釋羣經  
囊括大義雖有疵瑕不掩精粹王粲何疑孔融何戲儻微  
鄭君聖訓其墜東西三京奠焉莫二

諸葛忠亮像贊

溘天民學苞王佐才三顧魚水八陳風雷託孤伯牧甄善  
釋猜紆籌開濟大運幹回氣吞疆敵家匱餘財斗膽雖破  
秤心難灰彬空測識浩矣詆詆詰人景仰梁父悲哀  
生員周祚修之母王氏節孝贊

有序

前史氏云天下莫陸梁於盜賊過孝子節婦之里逡巡不敢入或咨嗟而歎息莫悍盭於虎豹守廬銜餉鹿兔聞哭聲則悲嘯呼騰莫恟慌於鬼神燭路而飛炬火球疾病則降藥餌非由性情之至精靈震怛與今儒童周國望之妻王氏以薜蘿之季卽辭藁砧尊章梨凍享緒雛呱巷餘顏子之瓢稅乏李衡之橘亦甚零丁矣氏則封鬢矢志茹蘗守貞夜績以奉晨羞丸糲而策駿足卒之黃壚瞑目親享旗幟白日明心子采芹藻可不謂母儀修備婦德純全者乎嗟夫引斧臂斲援鏡鼻空陌上箏哀山中石老蝶翩翩而翻墮鵠宛頸而悲鳴均爲高行無傷苦節氏乃可與亢

衡矣繫以贊曰  
廖妻斲指相媛截髮張帛賈淵敬賓泣月蜀國前徽於今  
未歇猗維周母銅梁規萬蓬影壓霜荻字淋雨春熙襟堂  
文飛鬢序宗鄰懃仇族仰慕桓瑤池欠雪古井波瀾梓上  
鴛白筠根血丹仰貞風之肅穆巴嶽高而涪江長汜濫兮  
盒石沈止卓烈兮草木彫喪桑田滄海紛遷變陰兔陽烏  
照節坊

孝獸贊

有序

思南有甌峯盤亘銅仁思州石旰數百里大木碩出莫不  
茂者騰林拂雲幽煙冥緬窮崖造瀼亢石無階杳無居人

人蹤亦不能到所產草木多異狀有獸焉形類獼猴而大  
尾長四五尺而歧端色蒼黃鼻露向上雨即自懸於樹  
尾塞鼻或曰兩指爾雅所謂雌也巢於樹老者居上子孫  
曰次居下老者簡出子孫搜巖得果即傳遞而上薦老者  
食食已然後傳遞至下上者未食下者未敢嘗先王用  
繪於尊彝取其孝也桉寓屬小而尾短者猴也倮猴而多  
髯者康也小於猴文采蔚然者果下豹也倮猴而大者獬  
也大而尾長赤目者禺也倮猴而大者果然也九真人号  
歌狹倮猴而小者蒙頌也一名蒙貴倮猴而善躍越者獬  
翻也倮猴而長臂者媛也倮媛而狗首曰媛爲雌者獬狽

也又名獾狍侶蝮而金尾者狻也侶蝮而大能食蝮者獨也食猴者獒也叩鼻者狻也狻即蝮也南人名之曰仙猴也鄙景純贊云禹屬之才莫過於蝮雨則自縣塞鼻巨尾厥形雖陋列象宗彝余賡贊曰

蟻穴蜂房君臣道章鵠行雁序兄弟燕處鷺遷雞呼朋友叩須鳩摯鴛別夫婦締結惟烏能哺惟燕能乳愛深養隆曰母曰父云何蒼蝮念厥顧復嘉果摘來爰薦菘壽嗟嗟世人誰無二親商賈逐末肆奪空陳士也遠宦鐘鼎自榮繫笱子輿益母長歔亦有周磐感懷魴魚銜索幾蠹奉檄樂胥蒼蒼者天薄薄者地罔極鴻慈豈惟酒食此而不將

嬪嬙所戲

梨管千與... 州人指... 曰掛口... 既... 歡... 福... 出... 出... 出... 出... 出...

養素堂文集卷二十八

老威張  
謝介侯

頌  
箴  
弔  
祝  
祭  
責

禽堅頌

孟田至性感動殊俗負父歸來谿黑月燭勤奉晨歡地應  
出粟先雉葬魚支漸俯鹿可知大孝鬼神載臬王商表之  
風示巴蜀

魄相頌

母也懷清飲此江水江簪生石天為孝子精感奇相負瓊

可履何

光井騰波菱

詩泉躍鯉乃如之人聯芳繼軌棘道



至今說叔通氏

叔先雜頌

成端灘險浪湍怒  
尼和詣郡波摧艣  
倏忽淪沒歸水府  
女  
雜聞之淚如雨  
兒頸珠囊繫以組  
實身狂瀾尋吾父  
見夢  
弟賢容若覩果然  
抱屍出江滸太守  
蕭登高拜俯上書  
當  
宁極揚詡大碑圖  
形黃絹補嗟乎姚  
精死賊曹盱沈孝  
娥  
前後此丹心永建  
至今逾千載過客  
猶恨江水深

張帛頌

貞學易韓子方舩  
覆沒弟求喪久不  
得帛徬徨遂自沈  
大  
小惶十四日出水  
旁持夫手如頡頏  
韓子冉坐堂皇聞  
烈

節深褒揚召其子列班行符先絡比芬芳時人指夔道鄉  
鴛鴦坼水波香

林簡頌

翁孺之學能通方言子雲從游商俗輸軒厥性貞亮不踏  
金門山飛白鶴峽嘯青蜎掌妻階隱伯鸞風存訓詞卒遠  
後世味原

嚴遵頌

後儒學易盭理離象先生湛冥以卜警罔得錢巫簾老子  
在掌心游太始隨和俯仰不滑性真不膠因想骨髓一訣  
窮形極響榘安齋翁珠還璧嚮子雲師之太卒其爽得乎

不得杜陵李彊

李宏頌

不奪不惠可否之間伏處陋巷君平與班爲州從事直諫  
犯顏志淬金石岳丈孱顏言行必正化愚格頑邦家孚德  
擔免白斑揚子所稱吾亦何閒

菊頌

猗矣芳菊在彼東籬葉其鬱翠花乃葳蕤秋時佳色霜後  
傲枝瘦真比我淡竟如誰相逢載酒相賞題詩兩開杜淚  
三徑陶詞助老彭壽療孺子飢香踰蘭蕙光映階墀滿頭  
插髮盈把拈髭是真隱逸晚節榮滋酈泉甘列女几屋屨

登山臨水送歸何時故園采采鄭泛金卮猶然塵鞅九日  
含悲

爲參領某君頌

在簪二疏解組道路樂觀萬石縣車史書頌美是以知止  
足者猶龍之學愛閒靜者不羈之才自古稱賢於今爲烈  
參領某君名家杞梓粵冑夔夔霽月挹其沖襟幽蘭寫其  
迴韻秉心維塞接物以和重以原思筮仕不翦蓬蒿仲路  
居官依然臬箸水衡之錢選一而不受太倉之粟匪盼而  
必均照交口以成碑臣有心而似水洵所云隆隆恐墜藹  
藹不緇者也乃者亥字書年申章得請歸彼空谷遂其初

衣時則吏民戴德而遮畱紳笏動容而嘉歎屬余不佞贈  
子一言嗟乎榮名爲寶晚節實難松菊年年訪泉明而不  
見萼鱸處處問季鷹以安歸孰意今茲躬逢遼者鳳城尺  
五願每節以無忘鳩杖一枝祝加滄其健在

箴

怒箴

余生卞急疾惡太甚奸鋒髮指邪蠱皮寢豈知九乾亭毒  
萬品諂佞影纓貪饕積廩弦直餒僵泉清凍噤並育兩閒  
焉能精審昊緯有權俟善惡稔余也罕漫奚爲踔蹠誰貽  
帝休移乃夙稟頤涿任人幼清葆朕北方之疆金革可衽

戒之戒之卷舌痛飲

曾子三省箴

余生鈍魯老而嚮學誓鄧叢集身焉遭灼始猶營迷今乃  
夢覺敢不惺惺負斯頭角駒景如馳一去難縛惟日孜孜  
癡瘦是索莫謂無視十目明暍莫謂無指十手捫摸嚴乎  
可畏心彊力弱與人爲謀懼不終託惟朋之交詐或勝樸  
惟徒之傳純或簡駁思之思之忤莫余若

祝文

祝洞庭君文

歲在昭陽大淵獻之陽月張子自黔返秦汜舟東下阻風

洞庭之湖三日稔洞庭君之靈甚著乃爲文以祝之其辭

曰

惟神淵默協佐蒼穹潛光貝闕浴德鱗宮抱貞正時善下  
首公徧與諸生大苞羣蒙以平以準惟神之功衝颯何來  
越至三日舟楫延阻榜人戰桌檣傾欲摧施轉如匿軒然  
大波汗漫無壁沸浪駕天飛濤襄岸深夜雷霆大海翻颯  
粵余牽絲服官未久豈有豐功惠濟黔首竊幸水清無貽  
厥醜禁暴戢奸市虎反忝操守苟渝神執其咎白雲在天  
膝下誰歡倚阿盼望于焉挂冠黔南木落河朔水寒歸裝  
明月書籙一舸迢迢道路憂思汎瀾胡爲惡浪侵我舟槳

憑合窳威假奇相勇聰明謂何而水之罔正直謂何而風  
之枉予爲神羞望泮撫掌庶幾有靈助帆揚舡驅彼雉龍  
潛蹲淵渟神鉦懾恠聞麟匿形君山十二螺髻舍青順風  
而呼千里歸寧載拜家慶曰神之力載奉笑言曰神之德  
火珠秘經是鎮惶惑敢告波臣無或反側神其鑒之機發  
矢直

祝先秦蜀郡守李公文

惟神生負靈異長裕經綸當嶠江之興濤有奇相以肆暴  
菑浮於洩壘莫遇爾明害劇於襄陵誰爲高密自神典郡  
民免載胥縈白練以殪牛風雲改色持青萍而嘆酒雷霆



助威神受約而波恬恠遭誅而石爛益部成膏沃之國蜀  
黎享灌溉之饒神之德大哉神之功豐矣今某莅邑四月  
當此蘊隆陽烏吐輝女媧睨日商莘戢羽耕父丙屍方罫  
拆龜蛙陷泥而跽伏秧苗燎火鵠失水而徬徨悲魚莘將  
無所遺痛草木不復有賴老農扶鋤以掩汰窮甍實犢而  
逃鄉天實至仁詎肯爲厲某實不德乃召此殃宜降重罰  
以明威何致無辜之罹咎伏念神黃魔法術紺髮慈悲七  
星橋成五犀石太深渾淺隔澤徧青黎鹽漑雷埶縣解蒼  
赤拔劍虹起呼來難陀之龍關弓月飛射去畢方之鳥萬  
民鳧藻四野雲蒸某翹瞻雲溼空測月離旣不能效戴封

之自焚東薪何在復不能如廣微之善格三日難期惟有  
仰祈神力以蘇眾生白虎伏巖不誑黃龍之酒青衣樂業  
仍歌乎蟻之城伏冀哀矜無任翹切

弔文

弔三閭大夫文

玉屏北門外水月菴有祠祀楚屈大夫土人傳其

國初兵燹時見形水裔賊爲辟易故祀之按涉江篇有曰  
乘舸船余上沅兮齊吳榜以擊汰又曰朝發枉渚兮夕宿  
辰陽玉屏古爲沅辰地諒當日者儻徊激浦淹水容與采  
芷沅江卽大夫所謂僻遠何傷也予於壬戌夏雨霽來游

刪芟砌草進謁遺像乃爲文以弔之其辭曰

痛九天之夢夢兮聽皇輿之敗績蓀又不營夫忠謇兮放  
江潭而疏邊羌不能倂矩逐時兮眾女謠詠以貢色鯀殛  
妣于羽山兮雖女嬃猶忌其婞直幼清安肯涅淄兮豈靈  
氛筵尊之能占時幽昧而捷徑兮董吾道其何嫌漁父旣  
莫我知兮又誰能與黨人爲緣瀕于危而不顧兮終湛淪  
乎汨羅之淵鸞皇折厥翼翮兮讓鶩鴛之追隨躡驪駒於  
艱阻兮驢羸騰驤以驕馳神龍困於泥淖兮亾慶雲之被  
覆枳棘榛榛而梗塞兮不得蹇若衡而餐秋菊嚴霜忽賈  
季夏兮芳苓密粦而彫天扶桑鬱其危律兮誰總轡以消

搖睇高北而無女兮求慮妃之所在陽侯乘以素波兮彭  
咸媵以飛鮫竟不能遠游延齡兮爪傳說而騎箕尾嗟正  
則竟溘亾兮畱湓豔之嘉藻何儒臬虧我高明兮謂揚才  
以競羣小詎識風諫之優游兮引靈修於當道睠顧舊鄉  
以唏噓兮不忍三戶之煙空於世旣邁夫椒蘭兮今又何  
訾乎過忠繫余企仰練要兮覽遺則焉隕涕欲唱小海之  
曲兮久夷舞於波際寤堯舜之超軼兮以耿介爲天姿何  
末俗競昌披兮反離騷而摘詞斥鷃罔測雲鵬兮鳩搶榆  
而笑之我薦椒糝兮哀日月志佩芳棄穢兮導吾先路中  
道不改此度兮冠切雲之岌岌行砥矢而言丹青兮嚴界

絕夫非義儻世蔽美而好朋兮吾將高駝而遐寄

而矣弔徐孺子文

南昌進賢門外望仙寺東里許有東漢徐徵君穉墓舊碑  
剝落即白社地也暇日來訪佗文以弔之其辭曰  
夫何見幾之獨明避宦豎之縱橫伏丘園以養晦同申屠  
之銷聲蒲輪徵而不起友李贄以陶情信南州之高士實  
心跡之雙清不孤高以絕俗負箇弁而芻束雖茅容其能  
言難挽駕而回躅樂陳蕃之好賢憑漆几以款曲慨中原  
之戎馬乃被褐以懷玉何郃泰之皇皇支大厦以一木嗟  
乎黨人盡兮漢鼎移徵君沒兮宿草悲將匍之頭顱莫葬

掾史之面目羣疑黃巾起而飛海水黑山來而掩朝曦玉  
后兮俱碎棟梁兮咸披然後知逃名世外散髮湖湄不希  
薦章於狗監可於德量於牛醫亂曰嘉禾之季誰種松長  
沙徐熙植蚪龍永安之歲誰棊碑南陽謝景紀風規不尋  
市卒梅仙宅長憶先生湖水白

弔梁伯鸞文

道光辛卯仲夏汎游南國過梅里訪泰伯之墳入延陵尋  
季札之榻衰衷遺跡塵邈莫攀抵吳門聞伯鸞堠翁知其  
尚存不得效周穎文展墓望祭而歛其志節清高古今鮮  
儷且吾秦人也爰摘文以弔之

維先生籀扶風兮會上林以牧豕入霸陵之深山兮業耕  
織而琴倚東出關而五噫兮帝聞歌而悲只易姓名而韜  
光兮由齊魯而之吳市依伯通之廡下兮躬賃舂而不耻  
妻舉案而齊眉兮乃見異於皋氏潛戶牖以箸書兮十餘  
篇而俶詭忽念高恢之良友兮烏嚶嚶于高枝佗廿四人  
之嘉頌分聊輸寫乎心儀遘厲疾以大漸兮告主人使知  
之羨延陵之葬子兮又何必歸夫豐岐卒之日而求葬兮  
冢依傍於要離嗟先生之匿耀兮傳鄭樸而何疑彼法真  
之謝世兮胡廣盡以篡碑何先生之貞亮兮無鴻文以表  
襮豈龍德之難摹兮莫能擲其蘊奧管黔敖之卒飢兮妻

謚康以啟好胡孟光之賢明兮不摛辭以傷悼繫余疲於  
津梁兮願歸秦以卓帽與先生豈異趣兮亦欲煙霞以寄  
傲補臺卿之決錄兮以箸孤生之風操

弔龍丘萇文

辛卯夏季過衢州望太末之山慨然懷龍丘萇之高節風  
帆迅駛恨不得履九石尋耕稼之跡也遙爲文以弔之  
巨君竊位兮滔天矯符命兮黃虞爲先逢真箸書兮牖下  
胡剛挂冠兮府前楊寶逃遁兮景宵洼丹教授兮易傅子  
建褫冕兮友絕鄙憲焚衣兮海邊許楊巫醫兮姓變虞峻  
飲藥兮身捐銚猛歸邾兮憤悒嚴遵却聘兮迤邐葛盧棄



官兮戈奮應豫謝病兮粥鬻丘俊畱吳兮棄節疏彥入晉  
兮飲泉豈諸人之頑固實新室之殘蟲偉先生之霞蹤翫  
蓮萼以散步違四輔與三公甘卧雲而行露泊建菴之中  
興詔任延爲都尉掾吏白以檄召荒不可乎齋怒致藥餌  
以脩書懼洒掃於居寓積一載之殷勤乃詣門而景埶願  
備錄以效死爲議曹以答遇嗟乎天地荆榛兮蛟龍遁藏  
倫類黷亂兮賢喆伴狂况哀章之貢諛又原碧之通房瀆  
鵠血以種穀祈壽命之延長豈期春陵之佳氣蘇伯早識  
其新亾何俟公賓之加刃漸臺避火以蒼黃信先生之鏡  
機依九石以葆光神千秋兮栖託景姓氏之芳香

弔嚴子陵文

辛卯六月初十日舟抵釣臺覽子陵之遺跡緬高風之不  
再爲文弔之以志景仰其辭曰

繫巨君之閭伏兮亦搜采乎英賢或挾衣而蹈海兮或挂  
冠而尋仙伴狂以逃毒蠱兮恨續亂之滔天先生歸自長  
安兮潛富春而耕煙舊交龍飛於白水兮詔蒲輪以徵之  
使三反而脫裘兮宴陽明以娛熙足加腹而動宿兮賜巨  
粟而推辭鄙外行而徐步兮皇降輿而手持蔑諫議之榮  
職兮返桐廬而理緡絲管雄陶與靈甫兮友重鑿於歷山  
旣登庸而陟佻兮咸逃避乎幽閒耻廁九官十二牧兮牛

馬走於榛菅誠高風之邈厲兮  
跨巢許而陵塵寰何先生  
之遐心兮宛湛爾而淵深  
謝雲臺之圖畫兮樂山水之清  
春豈狂奴之故態兮寄霸書以  
作箴守老子之知足兮何  
羨夫四七之冠簪爲之亂曰  
桐江兮漫衍石瀨兮清淺瀼  
瀼兮游鱗嗟峨兮危巘踞石兮  
投竿細沙兮文篆後人兮  
思君維舟兮懷芬衰哀兮俛  
叩高臺兮摩雲人去兮宋  
冥風寒兮日曛

祭文

祭嶠江汙魚子灘神文

代董樸園大令

嘉慶某年某月某日具官董某謹以牲牢沈祭汙魚子灘

神曰維神潛光貝闕浴德鱗波涼佐奇相鉗制毗羅河伯  
勢丛海若靈多蜀安仰濶巴竇切和繫此灘窟神所憑依  
浪作回復石如捍違崖峻魚畏湍急鳥歸先絡淪魄貞帛  
碎頎瞻言行旅靡不茹苦兵蘭爲難弄棟與侮蛇尾歧鉤  
魚頭鐵蓋呼來聞鱗挾以合窾颯厲濤飛檣傾楫折王閼  
豨膽陳芒縮舌千金璧沈一綫命絕涕溢玉津悲填荷節  
在咎李冰察脈弗迷駕七星橋厭五石犀勸酒祆遁操刀  
恠唬約誓旣定養生遂禋亦越正方鑿鑿天社赤水恬波  
黃龍馴化藉江堰開通道舟下揚母無阻常堤乃跨豈皆  
人事實賴神功濶崖失險石室禦洪壘埏平坦鹽漑疏通

蒼兕戢景黃牛董工今也塵邈前詰不佞唐蒙路封道興  
坻落瀆石喧雷漩淵轉壑舩懼觸襍人愁葬鱗某司犍邑  
軫念黎患亟思澹菑爰督利鑿術思翟乾勇學成覲召龍  
石驅渡席瀾晏伏祈明神相助之力決院鬢流平險截滅  
夢授帛符精藏日稷孳萌戴慈涂客襄德尚饗

祭古墓文

乾隆某季西安某旗某官某以白鏹若干契地於長安縣  
之某鄉欲爲其父某君佗將來兆域嘉慶某季某月某日  
某君歿延青烏家指牛眠地置鍤掘壙深入丈許有舊穴  
出焉竄窳開闢方圓積緻赭壁堅凝有若霞駮黃腸旣灰

白骨靡存明器之屬有瓦釜瓦甗數事釜范魚文爇綴苻  
藻燧有竈口上橫權稱無髻墾無辟暴斬然若纔出旅人  
不見誌銘莫知族姓亦無繇悉其時世也爰帚遺塵囊而  
盛之瘞諸塋後僂房旣完遂宅厥考念管人有祀冥漠君  
者倩舒靈阿觀察徵余文刻碑以爲歲時用享其辭曰  
君爲何代之賢兮乃隱儀於此土繫幽竈其康唐兮宵軀  
質以莫覩潛靈諒繇邈兮蔑樂石之鑄銘出與處兮何操  
天與壽兮何齡耳孫今果安託兮鼻祖管爲阿誰僅釜燧  
之如新兮長鏹置以安施嗟嗟廣堪何恩兮大輿何仇何  
荆卿之不諒兮與芊左以相尤管骼掩於甄舒兮儼乎冠

以來謝取司徒之威斗兮未聞丙屍以疑訝詎效佳城之  
鬱鬱兮符踣驥於蘭闥彼一雙之青鳥乎胡寄信於揚州  
願靖謚于厚夜兮毋鼠聖而狐神歲時虔致薄醮兮乘雲  
馬蹇車而來饗拊一坏以增哀兮風雲悽其莽蒼

祭錢漆林夫子文

嗚呼梧葉初彫秋聲四起泰嶽積傾斗柄移徙典型孰寄  
楷模淪亾杳沈響杳流水徒傷繫我夫子實惟國筭肅王  
世胄越水名家緬懷祖德秩秩台垣建猷樹績優渥

皇恩念厥先人南邦箸績騎馬迎來鑄碑思去荆枝棣萼  
璀璨芬菲珂鳴丛響笏耀連輝幾世恩綸累朝軒冕不墜

箕裘式遵前典幼而好學長也能文螢囊雪案寒暑辛勤  
翰墨之場共相角逐穎悟天成脫藁如腹文壇拔幟雲路  
初登蜚聲鬢序翔步騫騰庚子賓興賢書伊始鶚薦三秋  
鵬搏萬里六月之程于焉暫憩越劍吳鉤頻經淬厲乃躋  
而起旋陟雲梯泥金奏捷雁塢名題英季通籍載履花磚  
班聯玉笏望重木天稽古之榮信維經史手錄口吟司司  
不已優游藝苑夙擅鴻聲夏歷中外屢主文衡壬秋奉  
命典試黔陽爬羅剔抉無隱不彰關中星使曰惟甲寅授  
荆識寶大雅扶輪輶車甫返旋校春蘭盈門多士彬彬庶  
幾承明奏對



帝曰俞哉舊有聞望宜爾育才遂往滇南振鐸是司崎嶇  
萬里履險如夷口講指畫昕夕不遑化其樸魯登彼秀良  
載勤王事霧重爰蒸葭著罔效二豎忽膺七月旣望惡耗  
忽來驚聞怛化肝傷心摧嗟嗟慈顏謁別三載于茲高山  
仰止靡日不思方圖入覲之榮計兼懸史筆誠口劍何同  
天顏有喜面命耳提不遠伊邇何期鶴駕召賤玉樓修文  
天上欲從未由憶登緇帷滿庭桃李教之誨之孰䟽孰昵  
而今安在哲人其萎宗風孰振將焉取規懿行嘉言殆難  
殫述齋咨涕洟嗟何及迢遙南詔丹旒翩翩魂兮來歸  
人耶其天椒漿桂酒灑淚嗽詞師而有靈庶其鑒之尚饗

祭章桐門相國師文

歲在己亥之五月某日弟子張某叩頭哭奠故大學士桐  
門夫子嗚呼咎我衿青值公使星今我竹素夢公薤露九  
原不佞魂依宰樹憶赴春官羽鏃鳳鸞賴公延譽名滿長  
安將匱平揖上公聯榻人亦有言終童玉大翔步木天玉  
堂奩蓮何期淪謫黔國荒煙公時奉使馳驛滇南摳衣行  
館夜語醴醴河潰李樓我則儻鳩公時撫蘇侍宴清秋自  
後分襟牽絲于蜀字剖魚腹書繫雁足巴山萬疊燕樹千  
重路遙神邇跡沒情濃不意興戎公制畿輔蟲沙旣化調  
梅舞羽功成引退淞水之東心焉頌祝壽如召公忽聞殂

謝騎箕歸天銜哀茹痛淚若涌泉公竟去耶蒼生謂何公  
不返耶子弟則郝我猶作吏鹽車困驥民口如碑不勝媚  
忌嗚呼我公急流何高尋當釋轍去聽松濤西湖水碧南  
屏山青杳容如在天上雷霆嗚呼哀哉

祭管韞山侍御師文

嗚呼我師薦紳鳳羽抱信而缸散仁而土蠲德孚儔法言  
稽古觥觥太朝矯矯繩衽蘭石自然苞苴不取經術能神  
文章鸞虎鵠乎其羞儒也不腐嗚呼我師學人麟脯乙卯  
之歲執贄追隨公見我文擊節驚奇稼軒豪氣同甫雄詞

評澍文謂有  
辛陳之風

譽延人海名噪一時示之規鈇棄乃穰秕春

官報捷芸館栖遲公曰不媿子其攸宜聞之感激彌復操

持何期鬼伯妬我豕材學士相約尊酒宏開

汪學士滋晚招飲席中患

病歸而卒日未移景顏忽飛灰速駕而返臯復不回呼醫未診

招巫莫來魂歸梁甫魄逐鳩媒鵠妻込血驥子銜哀我獨

何心能不傷盡鍛翮之禽假之風翼被褐之夫飾之綉絨

露潤枯枝波涵淺洫遂令鉛刀化爲大食鵬漸圖南馬斯

空北雷電文心纂組賤則不敏如予終焉有得哀哉我師

照謂能賢朋爲性命書乃陌阡旋歸豹直勤守蠹編點竄

文字勁矢上弦咏哦詩句空澗流泉李崔雒起成恩鸞遷

侍御李如梓學士崔景儀中丞成格侍郎恩普皆受業弟子

惟予骭黷困乃絡穿師謂

子仕魚上樹然師謂子學鶴鳴皋焉愧此宗匠敢忘祖鞭  
今則馬帳虛懸壺杖違侍大雪何季希風靡日鄴架坐蛛  
賈園朽橘遼鶴遲歸淫魚空出藥贖不龜射荒于蝨菽髮  
紛披蓬心久窅遙望毗陵徒懷蛾術薄醲散陳神靈式苾  
嗚呼哀哉

祭封翁劉芸谷先生文

嗚呼珊瑚委浪子午積峯彭原柰朽高墀雲空空桐化鶴  
尉李蟄龍泉寒裂石風厲摧松書靈簡落琴覆絃椿壁碎  
瑁踈劍折芙蓉心追黃垞氣憤蒼穹茫茫神理能不惺忪  
繫我芸翁義渠巨室族啓唐都系絲隰叔天上耶精人箇

曉日汜蕙虛袷淘金粹質儀偉姚姚氣閒艷艷養醅兒和  
詞寡人吉厥心孔臧其德惟一髻季超靄綺歲騰芳門無  
題鳳案有囊螢譙周思苦朱穆餐忘江花夢吐部錦懷藏  
工賤榴枕媚歌竹箱情游汗簡心醉謨觴固宜霄騫健鷲  
塗騁肅驪劍逢薛燭曲賞瓠梁乃以高堂顯髮辭塾督家  
聲蜚璧水籍謝公沙折枝柔色問饌息譎圭然智術陶衛  
才雫單心機杼漱力桑麻書緡都尉樹種橐駝用能櫃溢  
陽邁倉貯汙邪牖成未雨酒不畫蛇而且貨波捐惠指困  
勇恩甦旌曰餓噓芊角溫買山造邾乞火叩門麥舟助喪  
蚨子贈婚沈泉注溼春雨滋根所求必給相遇無言尤好

名賢膠漆斯堅鄭莊置驛陳遵畱筵吳札投綰王宏送錢  
鵠蓋朝擁蛭膏夕然季心諾重葵足智全嘉譽日起沖懷  
彌調然當慈闈邁厲扶服戰兢樹下拜果山中問籐長魚  
癰吮君仲壽嘗丹書罔效紫石空承斑衣不舞巫卽歆迎  
脂澤斂啓髮彌夢謦陰元虎嘯荀顛柴輕里南擊節邊聽  
風聲若其念切燕貽情殷穀似櫝研書銘篝鐙課史游戒  
撫塵習慎斲梓人已柅繩言行坊宇庭誥顏君門律張氏  
重道尊師隆儀厚礼龍超型弟彪怒誘子杖奉壺丘衣掘  
角里庶冀顯揚以報恃怙三寸毛錐四方蓬矢以故僧彌  
通才房齡國器璣響青萍騫高白蟻貢天府名爲玉皇吏

鱸舍訓從烏臺奏事也於戲石火電光百季猶瞬桑田滄  
海三度何深古疆見睂未爲耆壽孟岐攀足詎算仙真惟  
此懿德堪式古今性旣似繭心尤如金鱈我散怨玉汝分  
甘停澆激薄大懦興廉所以

恩承楓陛榮貫水銜克躡素願永嗣清音與今者秦雲積  
遲隴月虧闕弔鶴臨門巢鷺入蘭白馬山高青烏墓凸阮  
咸痛深顏丁哀切夜色焄蒿夕陰沈闕嗚呼哀哉苦日落  
西酸風起北靈艸根枯瓊田路絕薊門巍峩桐邑迢逼某  
等敬佩穆行素知調德規萬成風楷模語葉天上京兆旄  
導杜靈人閒巾儒學傳鄒夾悲緒無窮盡傷何及魂兮有



靈音如可接桂酒椒漿陳詞濡汰尚饗

祭李石農方伯文

歎虐哀哉長庚淪曜霍岳摧峯天理星傾尸臣鼎沒煙寒  
玉壘樹黯銅梁波咽錦江月埋石鏡國喪砥柱人失帡幪  
歎虐哀哉惟公桓麟敏慧伯魚明通丹桂攀枝敷教胄子  
紅綾咬餅觀政刑曹望重白雲才雄紫電五辭浚事三法  
求情咎繇削爪

聖帝嘉許貫索是主秋讞總司雋疑平寬定國明察寃達  
肺石恥格草纓可謂叢棘夷塗樹槐實錄矣矧乃玉抵學  
山珠涵筆海鳳樓巨手龍簾大鐘譽滿上都文邀

皇覽用充鄉試旋校札闈珊網宏開蓉鏡廣照不失李定  
可傲東坡能得韓愈堪追陸贄旣而尤異之材茂膺計典  
匡時之略觀察温台弟五廉平躬剡馬秣伯道清約自邇  
家糧比謝宣城吟謳不廢如杜元凱講讀何妨露冕宣風  
停車得雨循聲憇

御屏書名瞻彼滇南陳乃臬事茶首遐遁歧蛇靜藏葉榆  
波清雞足霧斂方思秣陵之柳揚以和颺陝服之棠畱以  
芙蓉而乃挂于吏議遠謫輪臺黃河久堅青海月苦新陶  
飲水渥洼尋駒大漠沙飛浚山鷗健玉關人老未動詩裏  
楓陞恩深即許生入狐讞日暝狼孟泉甘扶杖觀鳩呼朋

浮蟻將欲韜光涅氏戢景  
蓓人蔡葵灌園橐駝種樹  
經繙相鶴書箸養魚回憶  
曲唱刀環星歸榆塞龍庭  
積遠寶鴻繫帛馬邑霜寒  
畱犁撓酒未嘗不歎君恩  
似海臣臯如山也無何輸粟  
天藏飛輓是寄河堤謁者  
塢流是專鵬將起溟鳳亦  
覽德

九重簡在六典頻司鉅鹿  
彝庚五辛熟西道尠赭衣  
宵持丹筆惟良折獄寧失  
不經帝鑒其勤來旬于蜀  
在咎文翁專化金馬銘刀  
老侯峻刑木牛餽粟兼瓊  
水利寅德孚民鄭國戰勛  
辰心格物前詰遺徽扶搖  
可接公學甚正稟命不融  
鳧鐙夜沈鶴關晝掩

璧碎符采劍匿光茫何處池臺誰家風月婆羅枯樹旌節  
殘花相杵輟春鳴機罷織青鳥墓遠白馬山高祇奠椒醕  
伏惟尚饗

祭亾弟洵漳文

歲在壬戌之六月余宰玉屏長日炎炎官衙無事倦甚午  
寢夢至涼州之海藏寺游人如蟻見亾二弟洵三弟漳在  
柳下褰裒急呼來前則衣布衫面瘦淺顛顛然若不憚者  
市糕餅與之卻不受彊與之復不食問曰爾何以形狀如  
此得毋患瘵乎噤不謦余色怒二弟則不顧而行余尾之  
行逾速轉瞬至一邨二弟偕奔余亦追逐則入夾道兩壁

高十餘丈中僅容一人至轉角處忽不見則擗膺頓足大  
哭而醒淚芄蘭盈枕席矣急飭廚人具囚飯備楮幣爲文  
以祭之其辭曰

久潛靈於厚夜兮何曠野以偕行大柙隄而延佇兮水汨  
瑟以咽聲余夢游於故土兮忽覩覩以相覩何魁服之蘭  
單兮何形容之臍苦持糗糲而不嚙兮與款譚而不答曰  
瞠視而膜然兮若秦越人之不合勃焉絕顏兮怪爾顏頑  
搥手東驚兮不與偕還遂舉衣而逐之兮恨足力之躓昵  
乃遁跡於甬道兮中狹窈而曲欹尚聞衣襟之裊縹兮儵  
忽沒於埃塹腸斷肝摧兮大呼無奈痛極而覺兮淚盈枕

肉白日荒荒兮午雞喔喔祝馭而酒斟兮冀魂魄之來  
臨與君爲兄弟兮詎人鬼之殊心羈墨綬於邊荒兮效卓  
魯之循良選衛途之繹騷兮想萬里之高堂旣甘旨兮久  
闕復音容兮曠謁悔子職兮不脩何依戀兮簪笏願菽水  
兮承歡誓將去乎此官果地下兮不樂再入夢兮爲我殫  
聊雪涕兮言懷或陰陽之不乖嗟予季兮何徃悲千秋兮  
長埋

責文

責黃生金臺文

夫經箸青烏乃地師之瞽說山高白馬實愚子之蓬心是

以父墓不知仲尼無傷於聖佳城自掘陶侃反佐於公可  
見心地之宜培而冢訟之當息也生旣未讀書又不明理  
罔敲根源之誼輒起鼠雀之爭本宜懲乃冬烘施之夏楚  
特愍其錮蔽啓乃端倪遣吏爲圖按墻量尺俾遷舊碑於  
竹海准大新碣於麋皮可謂公平詎有偏護又復證今援  
古祛惑釋疑自可鴟革響於桑椹獷藏牙於檜笠而居心  
不恕負氣求勝頭未二毛偏知冢中之枯骨竅纔一孔輒  
議地下之游魂豈能呼李娥以重生返干慶於已殯乎且  
詆錄供者受賕旣捕風而捉影復訕有司之庇吏實狂吠  
而癩鳴得不把黃卷而汗顏循青衿而赭色哉夫損人利

已既必降於鬼神移東作西情又類於蝸蝓况恃符以健  
訟故違卧碑敢慢上以肆懷應褫鞶帶如其默而息也或  
無趙畚之書倘再起而爭之定叩原壤之杖尚冀悔過慎  
毋怙終

責子文

噫嘻阿奴爾何希愚我生勤劬我遇艱虞爾乃逋蕩亦知  
之乎叔父虺虺致家坎圻食厭糟糠衣敝袒裸不恥者誰  
佼佼爲我幼鄙脂韋長采葑菲君子獎許小人訾誹不甘  
棟樑勇如茲飛仕未之顯才何由展惟廉劉芻惟惠扶蹇  
不尚突梯深懲劫輒疾惡過嚴恐壬怨嫌銅行不變所志



其礫歸來囊洗誰以利鹽數椽甕牖幾杯茅酒吟詩魏三  
讀書歐九聊以永年庶幾昌後何宣髮之將禿乃遇爾之  
不淑眎典籍其如仇甘無能以粥粥不觀蜀鹿之披文兮  
不覩頑石之韞玉而徒冠其首衷其手囚其口聽良誨而  
藐藐爲妨苗之稂莠萬卷之書莫予爲守噫嘻阿奴爾宜  
圖其可久天隆隆以左旋地鈴鈴以右轉水不腐兮周流  
樞不朽兮鬪鍵人窳惰而尸居若僵蠶之縛繭爾何爲乎  
錮蔽險其情而行贅曠日月其如馳任家世之陵替胡不  
以書爲醫以字爲藥以古爲鏡以友爲錯捐其瑕癥振其  
魂魄儻不早寤吾又何託

養素堂文集卷二十九

聖威張  
樹介侯

說

性情說

孝經援神契曰情者魄之使性者魄之主性生于陽以理

執一作契情生于陰以繫一作計念易緯鉤命訣曰情生于陰

欲以時驗也性生于陽以就理也一作理執一作欲以陽氣者仁陰

氣者貪故情有利欲性有仁也白虎通曰性者陽之施情

者陰之化也人秉陰陽之氣而生故內懷五性六情情者

靜也性者生也此人所秉六氣以生者也六情所以扶成

五性也許慎說文曰情人之陰氣有欲者性人之陽氣性善者按班許之說與緯書之言相符又董仲舒曰情者人之欲也人欲之謂情非制度不節性者生之質也質樸之謂性其理亦與孟子相輔王弼曰不性其情何能久行其正言人不以性爲情則所行雖正必不能久蓋言性善而情有不善也孟子言乃若其情則可以爲善矣亦是言情之發而善者情有善則性之善可知矣王充論衡本性篇曰周人世頤以爲人性有善有惡在所養焉故仲養性書一篇宓子賤漆雕開公孫尼子之徒亦論性情與世子相出入東平王思傳詔勅傅相曰夫人之性皆有五常及其

少長耳目牽于嗜欲故五常銷而邪心佞情亂其性利勝其義也魏盧毓論人皆先性行而後言才黃門郎馮翊李豐問盧毓毓曰人所以爲善也故大才成大善小才成小善今稱之有才而不能爲善是才不中器也豐服其言亦與孟子言非天之降才爾殊一段道理相合此漢魏人之言性情真切通亮淵懿無疵與後人之言性情者迥異矣而晉賀瑒曰性之與情猶水之與波靜則是水動則是波靜時是性動時是情此喻微有疵蓋水有清濁波有徐急也夫性者生也其本質情則參以人爲故有善有不善耳荀子曰人之性惡其善者僞也古僞字與爲同書之南僞

古文作南爲卿之言性惡疾人之爲惡而爲此激論也

天道說

或曰天有道乎曰有道何道也曰吉凶旤福之道也或又曰宋儒言天道謂天理之自然是天道卽天理也曰此宋儒之所謂天道非孔子之所謂天道也尚書曰滿招損謙受益時乃天道又曰天道福善而旤淫易曰天道虧盈而益謙左傳曰天道多在西北又曰天道遠人道邇竈焉知天道國語曰天道賞善而罰淫太公奭曰天道無親常與善人昆咸言吉凶之數也豈言天理乎後漢書桓譚傳曰天道性命聖人所難言自子貢以下不得而聞注引鄭

康成論語注曰性謂人受血氣以生有賢愚天道七政變動之占也是性命與天道自係二事孟子曰聖人之于天道也趙岐注謂虞舜并廩文王拘幽孔子厄困之類故曰命也今謂爲天理之自然天理豈有吉凶旤福乎必不然矣

六馬說

天子駕六公莘家說也天子至大夫同駕四毛詩家說也王度記亦言天子駕六許叔重五經異義所引如此異義引易時乘六龍以御天鄭駁云易經時乘六龍以御天六龍者謂陰陽六爻上下耳豈故爲禮制王度記今天子駕

六自是漢法與古異澍按鄭康成之說非也古人指事皆實豈有本駕四而故言駕六者如周禮龍旂六旒以象伐以伐統于參本六星也故以之取象况春秋命秣序屢言古帝駕六飛龍駕六飛麀駕六飛鹿駕六飛芊知古天子駕六審矣或曰詩云八鸞鶴一馬二鸞則固四馬矣不知古之乘車則四馬康王之誥言乘黃是也大路則六馬月令所言是也詩言六轡沃若六轡在手豈非六馬乎應劭漢書禮樂志注引易時乘六龍以御天劉昭注玉度記京氏易公羊春秋皆言天子駕六荀子伯牙鼓琴而六馬仰秣楊倞注六馬天子路車之馬也白虎通曰天子之馬

六者示有事于天地四方也司馬彪曰法駕六馬也薛綜  
西京賸注蔡邕月令論言周官天子六馬故有六騶獨斷  
言天子駕六馬周書王會解成王時書也而云其西天子  
車立馬乘六石鼓文宣王時詩也而云矜矜六馬漢人之  
言六馬者不必繁引茲則周室遺文也豈有紀本朝之制  
而僂誤者况夏書五子之歌曰凜乎若朽索之御六馬是  
亦言六馬矣說者又謂此梅頤之僞古文不足據夫作僞  
者必根厖古制使人信從豈肯故造典禮以貽後人之培  
擊乎近人桐城姚姬傳龔偃師荅虛谷億以爲駕六者乃  
是秦制果何依據而漫爲此說乎况後漢書輿服志明云



秦并天下閱三代之禮佗金根之車金根車卽殷人之大路可知秦始皇之駕六馬非特矧也許慎亦言天子駕六馬與王度記合鄭康成又謂周禮乘馬有四圉圉各養一馬此最難通夫豈有一圉止養一馬者蓋四圉謂四時之圉一圉一人主之也如春祭馬祖執駒夏祭先牧頒馬攻特秋祭馬社獫僕冬祭馬步獻馬請馭夫是也若謂一圉一馬則天子之馬凡三千四百五十六匹其圉數亦當如之必不然矣

駁惠定宇箕子明夸說

惠定宇周易述云明夸之五曰箕子當从古文佗其子其

古音亥亦作萑劉向曰今易其子作萑茲荀爽據以爲說  
讀萑子爲萑茲其與亥子與茲文異而音義同三統術云  
該闕于亥孳萌于子該亥亦同物也五本坤也坤終于亥  
乾出于子用晦而明故云其子之明有馬融俗儒不識七  
十子傳易之大義讀其爲萑蓋涉彖傳而譌五爲天位箕  
子臣也而當君位乖于易例甚矣澍按定宇此說大謬漢  
書儒林傳云蜀人趙賓好小數書爲易飾易文以爲箕子  
明夸陰陽氣亾箕子箕子者萬物方萑茲也賓持論巧慧  
易家不能難皆曰非古法也云受孟喜喜爲名之後賓死  
莫能持其說喜因不肯仞博士缺眾人薦喜上聞喜改師

法遂不用蓋班固亦遂于學嘗典校秘書箸此以明賓說之非古法乃實錄也晉人鄒湛潤甫云訓箕爲芟詁子爲滋漫衍無經不可致詰以譏荀爽其言良是卽唐顏師古漢書注六五爻辭曰箕子之明有利貞此箕子謂殷父師說洪範者也而賓妄爲說耳惠氏乃竝孟堅潤甫斥爲偏辭亦太悍鑿矣且易象辭明云內文明而外柔順以蒙大難文王以之內難而能正其志箕子以之此正指文王囚芟里箕子爲奴事馬融虞翻以爻辭爲周公所作故引近事以釋明亨之義若箕子解作芟茲則文王又何解乎乃又以六五是君位箕子爲人臣不當居君位爲乖于易例

夫易六十四卦六五九五不專指君位者多矣且以箕爲  
蓼以子爲茲又何與于明彥也夫箕可通其而可通蓼乎  
箕子之明彥云者謂初幽囚拘辱而秉志不回卒能傳洪  
範于興王其道大光分茅胙土是之謂利貞耳故王弼注  
云最近于晦與難爲比險莫如茲而在斯中猶闇不能沒  
明不可息正不憂危故利貞也此亦暗指箕子遭難而言  
若萬物方蓼茲是陽氣鍾于黃泉之時句者尚未出萌者  
尚未達則象辭所言箕子之貞明不可息者不可解矣且  
蓼茲之貞亦殊不成文理况陸元朗釋文引劉向曰今易  
箕子作蓼茲是古文易作箕子矣惠氏輒改劉向言箕子

作其子以就已說亦欺人之甚矣江都焦循謂王弼亦讀箕子爲其滋以茲字解子以斯字解其真乃暗中摸索所謂啞拳瞎棒以馬季長說爲非慎矣近人喜宗溲儒之說乃并溲儒駁斥者亦從而信之且曲辭以徇之是眞誣罔非經之甚幸而何

正錢竹汀劉珍未作釋名說

按劉熙注孟子注諡法作三禮圖作釋名錢氏曉徵以後溲書劉珍傳珍作釋名爲范蔚宗之誤非也豈有蔚宗不見其書而妄嫁之秘孫者此乃錢氏之誤說未嘗詳考之也夫景鸞作月令章句蔡邕亦作之穎容作春秋釋例杜

預亦作之焦贛作易林而崔篆許峻亦作之趙岐作孟子  
章句程曾亦作之衛宏作漢官儀蔡質應劭丁孚皆作之  
薛濞作韓詩章句杜撫張匡杜瓊亦作之陳術作釋問徐  
爰亦作之劉向作列女傳繆襲項原皆作之劉向作孝子  
傳宗躬師覺授蕭濟虞槃佑周景式均作之稽康作高士  
傳蘇順魏隸皇甫謐竝作之應劭作十三州記而樂資黃  
羲仲鬪駟亦作之皇甫謐作帝王世紀明克讓來與諸葛  
穎又作之桓譚作新論雩譚復作之揚雄作太乎經楊泉  
亦作之王肅作喪服要記而蔣琬劉昞皆作之阮湛作三  
禮圖而鄭康成劉熙劉昌宗張鎰夏侯伏朗聶崇羲皆作

之此類不可悉數猶之子夏作小序而衛宏亦作之也後人混此書爲一妄謂今之小序卽敬仲作殆未知敬仲之先已有引用小序者且毛公在前豈能見敬仲之序乎豈非夢夢

關崔氏說

近人崔應樞考信錄云舜既見舉受百官則慎徽五典納百揆賓四門將惟日不足何暇閒居家中而完廩浚井而鳴琴也使瞽瞍掣舜肘至此舜亦安能爲堯盡職乎按此真孩語蓋沿襲程灝蘇轍司馬光羅泌之說以孟子之言非實也後世之賢尚有分其才菽足了千人者况以舜之

予德宏才敏給豈有寅亮百工終日不遑一無暇晷不爲  
父母役使哉且以舜之神奇入大麓而烈風雷雨弗迷是  
何鎮定則家庭逆境自然順受鵬納從容不迫豈如小夫  
淺薄庶事叢集則手足忙亂一有拂鬱則神思惶惑此非  
所以測聖人也陋儒無識敢于詆謫孟子孟子豈鄉壁虛  
造哉審尔則高宗之放孝己尹吉甫之放伯奇晉獻公之  
殺申生皆屬烏有之事矣惟孝己伯奇申生無大舜之德  
不能格親以至于被放而死此舜所以爲古今之大孝也  
與

駁王泉之何彼穠矣詩說



近有楚人王泉之解何彼穠矣詩謂荏王以元女太姬配胡公以次女嫁楚熊繹之子平王爲平正之王指荏王齊侯爲齊一之侯指熊繹其說絕悖誕無理夫鬻熊事文荏其子熊繹歷事文荏成康繹生熊艾古書具在竝無繹子爲荏王壻之事毛傳謂荏王女文王孫或以齊侯之子爲丁公伋或又以伋與邑婁爲兄弟行不可爲婚此荏王之少女適伋之子乙公也乙公爲世子而伋爲之娶故曰齊侯之子觀左傳楚靈王謂右尹子革曰昔我先王熊繹與呂伋王孫牟燮父禽父竝事康王四國皆有分我獨無有子革曰齊王舅也晉及魯衛王母弟也楚是以無分而彼

皆有是珍寶之器周尚不以之賜予况以王姬下嫁于韋  
路藍縷之蠻夸乎如果周楚是甥舅豈有子革通曉古事  
而不言之者泉之又謂楚稱子亦可稱侯且楚曾稱王矣  
然楚之稱王始于桀王熊通而春秋祇書子豈有桀王頌  
爵是子當桀王世即僭稱侯者真嚙語也彼蓋妄以此詩  
爲楚風也楚有辭足矣何必復有風

駁王泉之無未生而有名說

左昭公三十二年傳云成季友文姜之愛子始震而卜卜  
人謂之曰生有嘉聞其名曰友爲公室輔及生如卜人之  
言其文在其手曰友遂以名之近有楚人王泉之謂無未

生而有名者疏誕之甚渠蓋未讀全左傳也昭元季傳堯  
王邑萋方震太叔夢帝謂已余命而子名曰虞將與之唐  
及生有文在其手曰虞遂以命之又昭七季傳衛孔文子  
夢康叔謂已立元史朝亦夢康叔謂已余將命尔子狗與  
孔烝鉏之曾孫圉相元史朝見成子世之夢夢協杜注夢  
時元未生此豈非未生而有名之徵乎且此事後世亦多  
有之

駁王泉之衛靈公無子說

按世本衛靈公生昭子郢郢生文子木郢字子南木字彌  
牟其後爲子南氏左哀公傳衛侯游于郊子南僕杜注子

南靈公子郢也與世本合而楚人王泉之以郢非靈公子以公有余無子將立汝之言爲據是未觀杜注也杜云蒯瞶出奔無太子故言無子如晉獻公曰余無子亦言無適子非真無子也泉之不知古人立言之體故鹵莽乃尔而其說實本于姚姬傳以郢爲靈公庶弟也最巨信

駁王泉之湯無嫁妹事說

王泉之以易帝乙歸妹謂非湯嫁妹京房易載湯嫁妹之辭爲妄託蓋泰卦變震震爲君故曰帝乙按左哀公九年傳云陽虎以周易筮之遇泰之需曰宋方吉不可與也微子啟帝乙之元子也宋鄭甥舅也若帝乙之元子歸妹而

有吉祿我安得吉焉乃止杜注帝乙紂父立爲天子故稱  
帝乙陰而得中有似王者嫁妹得如其願受福祿而大吉  
杜氏此解雖不以帝乙爲湯謂爲紂父然嫁妹實事也易  
緯乾鑿度引孔子曰泰正月之卦也陽氣始通陰逆執順  
因此以見湯之歸妹能順天地之宜立教戒之義至于歸  
妹八月卦也陽氣歸下陰氣方盛故復以見湯之嫁妹鄭  
康成注檀弓引以爲說白虎通姓名章亦同夫湯稱天乙  
亦稱帝乙帝天也殷質六世王同名不害以明功此古說  
也况荀爽對策引易曰帝乙歸妹以祉元吉婦人謂嫁曰  
歸言湯以娶禮歸其妹于諸侯也慈明精于易亦謂湯嫁

妹是漢儒相傳之舊說如此杜氏注左采前人說往往棄其精粹而捨其秕糠此其一端也泉之云云者蓋襲九家易五者帝位震象稱乙是謂帝乙虞翻云震爲帝坤爲乙之說耳而沈佺喆寓簡乃曰帝乙歸妹者言人君之德與帝者相甲乙故能正人倫豈非郢書燕說乎

公壻池爲人姓名說

左傳晉侯使解揚致公壻池之封杜注晉君女壻故謂之公壻也澍按楚地有公壻之谿定五年吳與楚戰處公壻疑係人姓以名其谿也如土孫里澹臺湖彊梁原老彊城之類文公三年趙穿與公壻池同質于鄭其時趙穿爲靈

公之壻何不曰公壻穿乎否則宜曰公壻趙穿某池同質于鄭乃穿箸姓趙而池獨箸名曰池豈池無姓乎蓋公壻即池之姓也且楚有此姓池或楚人而仕晉者所謂楚材晉用也不其然乎

租地說

左襄公十年公與諸侯會吳于柎杜注柎楚地陸元朗釋文柎莊加反是讀如查音也習鑿齒襄陽記曰柎音如租稅之租柎中在上黃界去襄陽一百五十里魏時夸王梅敷兄弟三人部曲萬餘家屯此此楚之柎也又楚公子棄疾入晉過鄭鄭大夫從鄭伯勞諸柎杜注柎鄭地釋文柎

側加反此鄭之祖也哀公時叔還會吳于祖又爲吳地是  
吳亦有祖也水經注所言之沐水歷祖口城乃楚地京相  
璠所言偃陽縣西有祖水溝爲宋地宋鄭接境或祖水經  
兩國也而吳之祖地不知在何所宋真宗與楂道語及姓  
氏謂曰宜求音之近而美者稱之又商姓所起則引春秋  
會吳于祖以對自是改稱音祖云改稱音祖則前此不讀  
查也習氏音租稅之租當是古音

祝由說

素問移精變氣篇云故可移精祝由而已按即今之呪由  
科也全元起曰祝由南方神是爲祝融也由字古原與



融通左傳吳蹶由韓非子伯璽融是已祝融南方火神以  
火施化者火九變而三化祝斲也融續也蓋融而熟之火  
也故祝由科能接筋骨移癰癭得火化之道耳賈逵祝甚  
也融朗也之訓非是

會是戒殺生說

或問于張子曰戒殺生之說釋教也吾儒亦遵之悖矣予  
曰此吾儒教也佛氏竊之不善用反自割其手足以飼鷹  
虎愚矣或艷然曰若生不可殺天地何爲生物以養人予  
笑曰子不聞鮑氏之子答田成子乎田氏祖于庭食客千  
人中坐有獻魚雁者田氏視之乃歎曰天之于民厚矣殖

五穀生魚鳥以爲之用眾客和之如響鮑氏之子率十二  
預于次進曰不如君言天地萬物我與並生類也類無貴  
賤徒以小大智力而相制迭相食非相爲而生之人取可  
食者而食之豈天本爲人生之是蚊蚋嗜膚虎狼食肉豈  
天本爲蚊蚋生人虎狼生肉哉是言也良爲貫徹孟子曰  
見其生不忍見其死聞其聲不忍食其肉是以君子遠庖  
廚也孟子非奉釋氏者也而有是言蓋吾儒之殺不以  
無故而殺以戕物生雖殺猶之不殺也非猶夫苦竹林中  
吃炒麪者

佔畢說

禮學記云今之教者呻其佔畢注佔視也畢簡也但吟諷其所佔視之簡牘而不能通其蘊奧也其說非按佔同咕囁耳語前漢匈奴傳令喋喋而咕咕是也又佔佷輕薄貌蓋佔字古無與覘通者惟檀弓我喪也斯沾注沾覘同按沾同覘者當从目類篇云貼窺也揚子方言云凡相竊視南楚謂之貼是也此記云呻其佔畢解者謂吟諷其所佔視之簡牘義殊回穴吾謂佔字宜从竹作筴說文潁川人名小兒所書寫爲筴可證其音當託協反故集韻云筴音帖簡也廣雅籥筴籥也春秋齊陳書字子占佔占竝與筴同爾雅釋器云簡謂之畢疏簡竹簡也古未有紙載文于

簡謂之簡札一名畢說文簡牒也釋文云簡閒也編之篇  
篇有閒也左傳疏云簡札牒畢同物而異名是筥亦簡策  
之名或作咭者非蓋咭音添玉篇云嘗也引穀梁傳莊公  
二十七季未嘗有咭血之盟今本作歃血故集韻咭亦作  
啗也又小貌唐書王叔文傳咭咭小人是也畢作嗶亦非  
蓋嗶與呖同香氣也雖集韻有聲出貌一訓若云呻其咭  
嗶不將重犯乎要之佔畢均是書冊古書冊皆用竹不宜  
从覘視之解也故李巡爾雅本畢亦从竹作筆呻廣韻呻  
軟同鄭注云呻或爲慕是康成所見別本又有作慕者

浴神說

猶龍氏經有谷神一章葆真者宗焉春秋繁露云養生之  
大者在閉欲以平意平意以靜神靜神以養氣古之道士  
有言曰將欲無陵固守一德此言神無離形則氣多內充  
即三閭大夫所謂閉心自謹也亦即乎亭耆老所謂美靈  
根閉朋牖也然按元朗釋文河上公本作浴神云浴養也  
洪氏隸釋後漢陳相邊韶建老子碑銘亦作浴神其義爲  
長蘭山白道士求余名所栖託爰顏之曰浴神復爲之說  
如此

劉樹古明府先心室說

易洗心石經作先心虞仲翔謂聖人著神知來故以先心

諸家如京房荀爽董遇張璠范長生等皆修先心蓋擘幾成務非猶是澡身浴惠也王肅韓康伯修澆心失之劉樹古明府囑題其室予謂儒者學易雖欲發天地之房要當退匿于密爰以先心二字額之而繫其後如此言曰其眼

楊傑士明府抱甕室說

北齊王晞有云非不愛作熱官但思之爛熟耳斯言也其宦海之穩帆乎吾人服古入官咸思祗厲名節而或爲名利所牽則不免騁捷足此灋詔所以重惓惓無等之吏也然但藉游蟻以娛意而無所事事亦復與作洛生詠者相同楊君靜者流余取灋陰老人事以題其齋當必有相詠

而笑莫逆于心者

常榮庭湛蘭堂說

今夫蘭本三季而成湛之苦酒則君子不近庶人不佩湛之糜醢而賈匹馬矣非蘭本美也所湛然也彼墨子之歎素絲非此意耶詩云必擇所湛必謹所堪可弗味哉常君榮庭好友散義氣而翕其羽者不尠念烏集之交初驩後咄也而欲矯之乃請名其所以爲堂者古人有言曰其朋其朋言慎所與也余乃本晏子之言而顏之曰湛蘭

如錄其辭易然真谷惠出王肅韓與白斗於心夫之隱樹  
一翁者收京氣管來蓬巖新說故詩坐等皆與夫心益擊然